

**Talamdan sa
Mga Mensahe alang sa Full-time Training
sa Fall Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
GALACIA**

Mensahe 11

Duha ka Babaye nga Nagsimbolo sa Duha ka Pakigsaad

Basahong Kasulatan: Gal. 4:21-31; Gen. 16:1—17:14

- I. Si Sara ug Agar, ang asawa ug puyopuyo ni Abraham, sambingay sa duha ka pakigsaad—sa pakigsaad sa saad ug sa pakigsaad sa kasugoan—Gen. 16:1—17:14; Gal. 4:21-31:**
- A. Si Sara, ang babayeng gawasnon, nagtimaan sa pakigsaad sa saad, nga may kalabotan sa bag-ong tugon, sa pakigsaad sa grasya—vv. 23-24; Gen. 12:7; 15:7-21:
 - 1. Nianang pakigsaara nisaad ang Dios nga hatagan Niya si Abraham og kaliwat, ug dili Niya tuyo nga dunay buhaton si Abraham aron mabatonan kini; dunay iumol ang Dios nganha niya aron magpahimugso siyag kaliwat nga motuman sa Iyang tuyo; grasya kini—v. 4.
 - 2. Si Sara, nga babayeng gawasnon, ang hustong asawa ni Abraham, simbolo ning pakigsaad sa grasya; gipanganak niya si Isaac pinaagi sa grasya sa Dios.
 - 3. Ang resulta sa saad sa grasya, nga mao si Isaac, mao ang kaliwat nga motuman sa tuyo sa Dios—17:19; 21:12b.
 - B. Si Agar, nga babayeng binatonan, nagtimaan sa pakigsaad sa kasugoan—Gal. 4:24-25:
 - 1. Si Agar, nga puyopuyo ni Abraham, simbolo sa kasugoan; makita nato niini nga posisyon sa puyopuyo ang posisyon sa kasugoan—Gen. 16:1-3.
 - 2. Ang pakigsaad sa kasugoan, nga gisimbolohan ni Agar, nagdala sa piniling katawhan sa Dios nga maulipon, magapos, sa kasugoan, naghimo nilang mga ulipon diha sa kasugoan, nabulag sa grasya sa Dios—Gal. 4:25; 5:1, 4.
 - 3. Ang pagpahimugso ni Abraham ni Ismael pinaagi ni Agar nagsimbolo sa pagpaninguha sa tawo nga motuman sa tuyo sa Dios pinaagi sa paningkamot sa unod nga nakigtambayayong sa kasugoan—Gen. 16:4, 15-16; Gal. 2:16; 4:23a.
 - 4. Gipanganak ni Abraham si Ismael pinaagi ni Agar sa unodnong pagpaningkamot niya ug dili pinaagi sa grasya sa Dios; busa, gisalikway sa Dios si Ismael, nga lugwa sa unodnong paningkamot sa tawo segun sa kasugoan—Gen. 17:18-19; 21:10; Gal. 4:30.
 - C. Pamalandongon gyod nato ang Galacia 4:21-31 sa kahayag sa kasinatian ni Abraham sa Genesis:
 - 1. Gisultian ta ni Pablo sa Galacia 4:21-31 nga nagtimaan si Agar sa kasugoan, nga gisimbolohan sa yutan-ong Jerusalem, ug nagtimaan si Sara sa grasya, nga gisimbolohan sa langitnong Jerusalem—vv. 25-26.
 - 2. Nagrepresentar si Agar ug si Sara sa duha ka pakigsaad—sa pakigsaad sa kasugoan ug sa pakigsaad sa grasya—3:26; 4:6.
 - 3. Ang unang gipakigsaad sa Dios ni Abraham mao ang pakigsaad sa grasya:
 - a. Ning pakigsaara wala kinahanglana ang kahimoan o pagpaningkamot sa tawo; gikinahanglan hinuon ang grasya sa Dios nga magpahimugso og daghang anak—3:29.
 - b. Pareha ra sa bag-ong tugon kining pakigsaara; nagpasabot kini nga ang gipakigsaad sa Dios ni Abraham sa pagkatinuod mao ang pakigsaad sa grasya—Heb. 8:7-8.
 - D. Gipadayag sa Galacia 4 nga ang inahan sa mga magtutuo, nga mao ang Jerusalem nga naa sa itaas, mao ang bag-ong pakigsaad sa grasya—Heb. 8:7-13; 12:22-23:

1. Gipanganak ta diha sa bag-ong pakigsaad, ug ang Jerusalem nga naa sa itaas mao ang atong inahan—Gal. 4:26.
2. Kining bayhana mao ang bag-ong pakigsaad ug ang atong inahan, ug ang atong inahan mao ang grasya sa Dios.

II. Si Sara, nga asawa ni Abraham, nagsimbolo sa grasya sa Dios—Juan 1:17:

- A. Ang grasyang gihatag kanato diha ni Cristo gihatag kanato sa wala pa magsugod ang kalibotan—2 Tim. 1:9; Titus 2:11.
- B. Ang grasya mao ang Dios mismo diha ni Cristo nga Espiritu nga gihatag kanato ug nabatonan nato; ang ebanghelyo sa grasya sa Dios mao ang pagkapiniyalan sa grasya nga magpaambit sa Dios sa katawhan aron ilang mapahimuslan—Juan 1:17; Buh. 20:24; Efe. 3:2.
- C. Ang grasya sa Dios mao ang Dios mismo diha ni Cristo nga tanan nato aron atong mapahimuslan—Juan 1:17; 1 Cor. 15:10; itandi sa Gal. 2:20.
- D. Ang pagkinabuhi sa mga magtutuo sa Bag-ong Tugon diha sa grasya sa pamatigayon sa Dios kinatibuk-ang pagkinabuhi man nga nagsinati sa nahikay ug nahingpit nga Tulo-usang Dios ingon nga grasya—6:18; Heb. 4:16; Bug. 22:21:
 1. Pagkinabuhi gyod sa grasya, pagsinati sa grasya, ang Cristohanong pagkinabuhi; ang Cristohanong kinabuhi nato, sa pagkamao niini, kinabuhi nga dunay Dios nga atong grasya—2 Cor. 1:12.
 2. Ang kinatibuk-ang pagkinabuhi nagpasabot nga ang tibuok pagkinabuhi nato pagkinabuhi sa Tulo-usang Dios nga nahikay aron mahimong grasya alang nato—13:14.
 3. Naglihok ang sinagol nga Espiritu sa sulod nato adlaw-adlaw ingon nga dihog aron mapahimuslan nato ang nahikay nga Tulo-usang Dios ingon nga grasya—1 Juan 2:20, 27.
 4. Ang grasya ni Ginoong Jesucristo, ang Espiritu sa grasya, naa sa atong espiritu, nga gianak na pag-usab aron mahimong puluy-anan ug sudlanan sa Tulo-usang Dios—Heb. 10:29b; Gal. 6:18; Fil. 4:23; Filem. 25; 2 Tim. 4:22.
 5. Kita ang mga nakadawat sa grasya, nga mao ang Tulo-usang Dios—ang Amahan nga gihatag kanato diha sa Anak, ug ang Anak nga naamgohan ingon nga Espiritu nga nagpuyo sa atong espiritu—1 Cor. 15:45b; 6:17:
 - a. Ang Ginoo nga naa sa atong espiritu mao ang grasya nga naa sa atong espiritu—2 Tim. 4:22.
 - b. Moliso ngani ta sa atong espiritu, mosulod ta sa ganghaan sa langit ug makontak nato ang trono sa grasya nga naa sa langit pinaagi ni Cristo nga langitnong hagdan—Heb. 4:16; Gen. 28:12-17; Juan 1:51; Efe. 2:22.
 6. Nilabaw sa tanang paglimiti ang kadato sa grasya sa Dios, kay kini man ang nag-awas-awas nga kadato sa Dios mismo nga atong mapahimuslan—1 Ped. 5:10.
 7. Ang grasya mao ang Dios mismo nga atong kinabuhi aron mausa nato, moluwas nato, magbalay sa sulod nato, ug mahulma sa sulod nato—Col. 3:4; Efe. 2:8; 3:17; Gal. 4:19.
 8. Ang pagtubo diha sa grasya pagtubo man diha sa pagdako sa Dios—2 Ped. 3:18; Col. 2:19.
 9. Magpadangat sa grasya sa Dios ang pagpaubos; kon mapaubsanon ta, ihatag sa Dios ang Iyang Kaugalingon kanato ingon nga grasya—1 Ped. 5:5-6; Sant. 4:6.
 10. Kay mga balaan man ta, mag-uban gyod ang grasya sa Ginoo sa tagsatagsa kanato sa tanang aspeto sa kinabuhi nato adlaw-adlaw—Bug. 22:21.